

LA MAGJIE DAL FURLAN

AUGURIS DI CÛR

In ocasion des Fiestis la **Agjenzie Regionâl pe Lenghe Furlane** e augure ai tifôs e ai furlans di dut il mont *Bon Nadâl, Bon Finiment e Bon Principi*. O vin la sperance che il furlan al deventi simpri plui il simbul de nestre identitât coletive ancje tal sport: une lenghe speciâl che si confronte cul mont di vuê, une lenghe buine par pandi amicizie, passion, curiositât e rispjet, valôrs bogns pal sport e pe vite di ogni dì.

Buinis Fiestis e Fuarce Udin!

Savevistu che i studis scientifics a dimostrin che une educazion al plurilinguism tai prins agns di vite e da ai fruts vantaçs no dome linguisticis, ma ancje cognitîfs e metacognitîfs? Te nestre regjon cheste oportunitât tu le puedis cjapâ sù in maniere spontanee: il furlan al è a puartade di man e al rapresente un plusvalôr pai tiei fis. I fruts bilengâi a imparin cun plui facilitât altris lenghis, come l'inglês, a àn une cussience e une tolerance plui grandis pes diversitâts e si costruissin un futûr plen di relazions e oportunitâts professionâls.

La lenghe furlane e je vêr nudriment pal cerviel. Sielç il furlan, sielzilu ancje a scuele.

par savênt di plui www.arlef.it